



Broj: 01-27-347-33 /18

Datum: 19.10.2018. godine

Na osnovu člana 64. stav 1. tačka b, člana 70. st. 1, 3. i 6. Zakona o javnim nabavkama („Sl. glasnik BiH“, broj: 39/14), na preporuku Komisije za javnu nabavku radova (u daljem tekstu: Komisije), iskazanu kroz Zapisnik o ponovnom pregledu i ocjeni ponuda, broj: 01-27-347-32/18 od 17.10.2018. godine (u daljem tekstu: Zapisnik), u postupku javne nabavke saobraćajne signalizacije i opreme za 2018. godinu, direktor JU „Direkcija regionalnih cesta USK“ Bihać je donio

ODLUKU

o izboru najpovoljnijeg ponuđača (LOT 1 - horizontalna saobraćajna signalizacija)

Član 1.

Prihvata se preporuka Komisije za javnu nabavku iskazana kroz Zapisnik o ponovnom pregledu i ocjeni ponuda, broj: 01-27-347-32/18 od 17.10.2018. godine i Ugovor za javnu nabavku saobraćajne signalizacije i opreme na regionalnim cestama USK za 2018. godinu (LOT 1 horizontalna saobraćajna signalizacija), dodjeljuje se ponuđaču Sacom doo Sarajevo, za ponuđenu cijenu od 69.988,39 KM (slovima: šezdesetdevet hiljadadevestoosamdesetosam i 39/100) sa uračunatim PDV-om i uračunatim popustom, kao najbolje ocijenjenim.

Član 2.

Prijedlog ugovora o nabavci dostavit će se na potpis izabranom ponuđaču Sacom doo Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude. Predmetnim ugovorima biće regulisana međusobna prava i obaveze vezana za predmetnu javnu nabavku, shodno uslovima ugovornog organa navedenim u tenderskoj dokumentaciji i zakonskim propisima.

Član 3.

Ova Odluka objavit će se na službenoj web-stranici ugovornog organa www.ceste.com istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke radova saobraćajne signalizacije i opreme za 2018. godinu, broj: 01-27-347-1/17 od 04.05.2018. godine.

Javna nabavka je sprovedena putem otvorenog postupka podjelom predmeta nabavke na 3 (tri) LOT-a, i to:

- LOT 1 horizontalna saobraćajna signalizacija,
- LOT 2 vertikalna saobraćajna signalizacija,
- LOT 3 saobraćajna oprema.



JU „DIREKCIJA REGIONALNIH CESTA USK-a“

Ukupna procijenjena vrijednost javne nabavke bez PDV-a je 254.410,26 KM, odnosno:

- Za LOT 1, horizontalna saobraćajna signalizacija, procijenjene vrijednosti (bez PDV-a) u iznosu od 59.829,06 KM;
- Za LOT 2, vertikalna saobraćajna signalizacija, procijenjene vrijednosti (bez PDV-a) u iznosu od 34.188,03 KM;
- Za LOT 3, saobraćajna oprema, procijenjene vrijednosti (bez PDV-a) u iznosu od 162.393,16 KM.

Obavještenje o nabavci, broj: 213-1-3-20-3-5/18 poslano je na objavljivanje dana 08.05.2018. godine, a objavljeno je na Portalu javnih nabavki dana 08.05.2018. godine.

Komisija za javnu nabavku imenovana je Rješenjem, broj: 01-27-347-6/18 od 29.05.2018. godine.

Komisija za javnu nabavku dostavila je dana 18.06.2018. godine Zapisnik o pregledu i ocjeni ponuda, broj: 01-27-347-20/18, kroz koji je izkazala i preporuku o izboru najpovoljnijeg ponuđača u postupku javne nabavke saobraćajne signalizacije i opreme za 2018. godinu (LOT 1 horizontalna saobraćajna signalizacija, LOT 2 vertikalna saobraćajna signalizacija i LOT 3 saobraćajna oprema).

Dana 03.07.2018. godine direktor JU „Direkcije regionalnih cesta USK-a“ Bihać je donio Odluku o izboru najpovoljnijeg ponuđača (LOT 1 horizontalna saobraćajna signalizacija), broj: 01-27-347-21/18.

Na navedenu Odluku Sacom doo Sarajevo je izjavio žalbu koju je zajedno sa Izjašnjenjem JU „Direkcije regionalnih cesta USK-a“ Bihać prosljedila Uredu za razmatranje žalbi Podružnica Mostar dana 30.07.2018. godine.

Dana 08.10.2018. godine JU „Direkcije regionalnih cesta USK-a“ Bihać je zaprimila Rješenje Ureda za Žalbe, Filijala Mostar, br. JN2-03-07-1-1041-8/18 od 04.10.2018. godine kojim se usvaja žalba ponuđača Sacom doo Sarajevo.

Postupajući prema Rješenju Ureda za Žalbe, Filijala Mostar, br. JN2-03-07-1-1041-8/18 od 04.10.2018. godine, Komisija za javnu nabavku radova "Saobraćajna signalizacija i oprema u 2018. godini", pristupila je ponovljenom pregledu i ocjeni spornih ponuda, te sačinila Zapisnik o ponovnom pregledu i ocjeni ponuda, broj: 01-27-347-32/18 od 17.10.2018. godine.

U ponovnom postupku, nakon ponovljene analize spornih ponuda ustanovljeno je da ponude ponuđača "Mrkonjićputevi" doo, "Behić Sanny Boy" doo i grupe ponuđača "Buljan ceste" doo Kreševo i "Divel" doo ne ispunjavaju uvjete postavljene u TD, kako je to detaljno opisano kroz Zapisnik o ponovnom pregledu i ocjeni ponuda, broj: 01-27-347-32/18 od 17.10.2018. godine, zbog čega se i oni isključuju iz daljnijeg postupka.

S obzirom da je prema ponovljenom postupku ponuda ponuđača Sacom doo Sarajevo ocijenjena kao jedina prihvatljiva ponuda, te da je ista u okviru planiranih sredstava, Komisija predlaže direktoru JU „Direkcije regionalnih cesta USK-a“ Bihać da Ugovor o izvođenju radova obnove horizontalne signalizacije za LOT 1, zaključi s ponuđačem "Sacom", doo Sarajevo u iznosu od 69.988,39 KM sa PDV-om.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima, tenderskim dokumentom i Rješenjem Ureda za Žalbe, Filijala Mostar, br. JN2-03-07-1-1041-8/18 od 04.10.2018. godine.



JU „DIREKCIJA REGIONALNIH CESTA USK-a“

Uvidom u priloženu dokumentaciju, nesporno je da je izabrani ponuđač Sacom doo najbolje ocijenjen jer je dostavio ponudu za LOT 1 koje u cjelosti zadovoljavaju postavljene uslove i zahtjeve ugovornog organa propisane Tenderskom dokumentacijom broj: 01-27-347-2/18 od 07.05.2018. godine, te je ponuđena cijena ponuda u okviru procijenjene vrijednosti predmeta nabavke.

Izabrani ponuđač Sacom doo je izabran primjenjujući kriterij najniže cijene, i to kako slijedi:

- **LOT 1** (planska vrijednost sa uračunatim PDV-om 70.000,00 KM):
1. „SACOM”d.o.o. 69.988,39 KM

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Prilog:


- Rješenje Ureda za Žalbe, Filijala Mostar, br. JN2-03-07-1-1041-8/18 od 04.10.2018. godine,
- Zapisnik o ponovnom pregledu i ocjeni ponuda, broj: 01-27-347-32/18 od 17.10.2018. godine.

DIREKTOR

Adnan Pozderac



Dostaviti:

- SACOM doo Sarajevo, Luka bb, 71380 Ilijaš
- BEHIĆ-SANNY-BOY doo Bihać, Orljani bb, 77000 Bihać
- BULJAN CESTE doo, Troska bb, 71260 Kreševo
- DIVEL doo, Krkojevci bb, 79260 Sanski Most
- MRKONJIĆPUTEVI doo, Podbrdo bb, 70260 Mrkonjić Grad
- ZVORNIKPUTEVI doo, M4, Karakaj bb, 75400 Zvornik
-  www.cestes.com
- Predsjedavajući Komisije